



## IZVJEŠTAJ O FINANSIJSKOJ REVIZIJI

FEDERALNOG ZAVODA ZA GEOLOGIJU

za 2018. godinu

Broj: 01-02-06-14-1-2052-6/18

Sarajevo, juni 2019. godine



## SADRŽAJ

I	IZVJEŠTAJ NEZAVISNOG REVIZORA .....	1
1.	IZVJEŠTAJ O REVIZIJI FINANSIJSKIH IZVJEŠTAJA .....	1
2.	IZVJEŠTAJ O REVIZIJI USKLAĐENOSTI .....	2
II	KRITERIJI ZA REVIZIJU .....	4
III	IZVJEŠTAJ O REVIZIJI .....	5
1.	UVOD .....	5
2.	PREDMET, CILJ I OBIM REVIZIJE .....	5
3.	PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA .....	5
4.	SISTEM INTERNIH KONTROLA .....	5
5.	OBAVLJANJE POSLOVA IZ NADLEŽNOSTI .....	7
6.	PLANIRANJE, DONOŠENJE BUDŽETA I IZVJEŠTAVANJE .....	8
7.	FINANSIJSKI IZVJEŠTAJI .....	8
7.1	GODIŠNJI IZVJEŠTAJ O IZVRŠENJU BUDŽETA .....	8
7.1.1	Rashodi, izdaci i finansiranje .....	8
7.1.1.1	Plate i naknade troškova zaposlenih .....	8
7.1.1.2	Izdaci za materijal, sitan inventar i usluge .....	9
7.2	BILANS STANJA .....	9
7.2.1	Kratkoročna potraživanja i razgraničenja .....	9
7.2.2	Stalna sredstva .....	9
7.2.3	Kratkoročne obaveze i razgraničenja .....	10
8.	JAVNE NABAVKE .....	10
9.	KOMENTARI NA NACRT IZVJEŠTAJA .....	11
IV	PRILOG GODIŠNJI FINANSIJSKI IZVJEŠTAJI .....	12
	Godišnji izvještaj o izvršenju budžeta za 2018. godinu .....	13
	Bilans stanja na dan 31. 12. 2018. godine .....	16



## I IZVJEŠTAJ NEZAVISNOG REVIZORA

Izvještaj nezavisnog revizora daje se na osnovu provedene finansijske revizije, koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija sa relevantnim zakonima i drugim propisima.

### 1. IZVJEŠTAJ O REVIZIJI FINANSIJSKIH IZVJEŠTAJA

#### ***Mišljenje***

Izvršili smo reviziju finansijskih izvještaja **Federalnog zavoda za geologiju (u daljem tekstu: Zavod)** koji obuhvataju: bilans stanja na 31. 12. 2018. godine, račun prihoda i rashoda, izvještaj o kapitalnim izdacima i finansiranju, posebne podatke o plaćama i broju zaposlenih, godišnji izvještaj o izvršenju budžeta za godinu koja završava na taj dan i analizu izvršenja budžeta – tekstualni dio, uključujući i rezime značajnih računovodstvenih politika.

Prema našem mišljenju, finansijski izvještaji Zavoda prikazuju istinito i fer, u svim materijalnim aspektima, finansijsko stanje imovine, obaveza i izvora sredstava na 31. 12. 2018. godine, izvršenje budžeta za godinu koja se završava na navedeni datum, u skladu sa prihvaćenim okvirom finansijskog izvještavanja.

#### ***Osnova za mišljenje***

Reviziju smo obavili u skladu sa Zakonom o reviziji institucija u Federaciji Bosne i Hercegovine i primjenjivim Međunarodnim standardima vrhovnih revizionih institucija (ISSAI). Naše odgovornosti prema tim standardima su detaljnije opisane u odjeljku *Odgovornost revizora za reviziju finansijskih izvještaja*.

Nezavisni smo od Zavoda u skladu s ISSAI 30 – Etičkim kodeksom, kao i u skladu s etičkim zahtjevima koji su relevantni za našu reviziju i ispunili smo ostale etičke odgovornosti u skladu s tim zahtjevima.

Vjerujemo da su revizorski dokazi koje smo pribavili dovoljni i odgovarajući da osiguraju osnovu za naše mišljenje.

#### ***Isticanje pitanja***

Skrećemo pažnju na sljedeće pitanje:

- **U okviru kratkoročnih obaveza iskazan je iznos od 65.813 KM koji se odnosi na obaveze za neisplaćene doprinose za zdravstveno osiguranje i za zapošljavanje iz ranijeg perioda, kada Zavod nije bio budžetski korisnik (tačka 7.2.3 Izvještaja).**

Naše mišljenje nije modifikovano u vezi s navedenim pitanjima.

#### ***Odgovornost rukovodstva za finansijske izvještaje***

Rukovodstvo Zavoda odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja u Federaciji Bosne i Hercegovine. Ova odgovornost podrazumijeva i kreiranje, primjenu i održavanje internih kontrola, relevantnih za pripremu i prezentaciju finansijskih izvještaja koji ne sadrže materijalno značajne pogrešne iskaze uslijed prevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena, koje su razumne u datim okolnostima.

#### ***Odgovornost revizora za reviziju finansijskih izvještaja***

Naši ciljevi su steći razumno uvjerenje o tome da li su finansijski izvještaji kao cjelina bez značajnog pogrešnog prikaza uslijed prevare ili greške, kao i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija, obavljena u skladu



sa Međunarodnim standardima vrhovnih revizionih institucija, uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika, donesene na osnovu tih finansijskih izvještaja.

Kao sastavni dio revizije, u skladu sa Međunarodnim standardima vrhovnih revizionih institucija, stvaramo profesionalne procjene i održavamo profesionalni skepticizam tokom revizije. Mi također:

- prepoznajemo i procjenjujemo rizike značajnog pogrešnog prikazivanja finansijskih izvještaja, zbog prevare ili greške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prevare veći je od rizika nastalog uslijed greške, jer prevara može uključiti tajne sporazume, krivotvorene, namjerno izostavljanje, pogrešno prikazivanje ili zaobilaznje internih kontrola;
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola Zavoda;
- ocjenjujemo primjerenošć korištenih računovodstvenih politika i razumnost računovodstvenih procjena, kao i povezanih objava rukovodstva;
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s rukovodstvom i u vezi s planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama koji su otkriveni tokom naše revizije.

## 2. IZVJEŠTAJ O REVIZIJI USKLAĐENOSTI

### ***Mišljenje***

Uz reviziju finansijskih izvještaja **Federalnog zavoda za geologiju za 2018. godinu**, izvršili smo i reviziju usklađenosti aktivnosti, finansijskih transakcija i informacija sa relevantnim zakonima i drugim propisima.

Prema našem mišljenju, aktivnosti, finansijske transakcije i informacije Zavoda za 2018. godinu u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.

### ***Osnova za mišljenje***

Reviziju usklađenosti izvršili smo u skladu sa Zakonom o reviziji institucija u Federaciji Bosne i Hercegovine i ISSAI 4000 – Standardima za reviziju usklađenosti. Naše odgovornosti prema tim standardima detaljnije su opisane u odjeljku *Odgovornost revizora za reviziju usklađenosti*.

Nezavisni smo od Zavoda, u skladu s ISSAI 30 – Etičkim kodeksom, te u skladu s etičkim zahtjevima relevantnim za našu reviziju i ispunili smo ostale etičke odgovornosti u skladu s tim zahtjevima.

Vjerujemo da su revizorski dokazi koje smo pribavili dovoljni i odgovarajući da osiguraju osnovu za naše mišljenje.

### ***Odgovornost rukovodstva za usklađenost***

Pored odgovornosti za pripremu i fer prezentaciju finansijskih izvještaja, rukovodstvo Zavoda također je odgovorno da osigura da su aktivnosti, finansijske transakcije i informacije u skladu s propisima kojima su regulisane i potvrđuje da je tokom fiskalne godine osiguralo namjensko, svrshiteljstvo i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.



### ***Odgovornost revizora za reviziju usklađenosti***

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Odgovornost revizora uključuje obavljanje procedura, kako bismo pribavili revizijske dokaze o tome da li se sredstva koriste za odgovarajuće namjene i da li je poslovanje Zavoda, prema definisanim kriterijima, usklađeno sa zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 26. 6. 2019. godine

**ZAMJENIK GENERALNOG REVIZORA**

**Dragan Kolobarić, dipl. oec.**

**GENERALNI REVIZOR**

**Dževad Nekić, dipl. oec.**



## II KRITERIJI ZA REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi i reviziju finansijskih izvještaja i reviziju usklađenosti. Revizija finansijskih izvještaja i revizija usklađenosti podrazumijeva proces objektivnog prikupljanja i procjenjivanja dokaza, kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni sa odgovarajućim kriterijima, sadržanim u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Kriteriji za reviziju finansijskih izvještaja su sljedeći:

- Zakon o budžetima u FBiH;
  - Uredba o računovodstvu budžeta u FBiH;
  - Pravilnik o knjigovodstvu budžeta u FBiH;
  - Pravilnik o finansijskom izvještavanju i godišnjem obračunu budžeta u FBiH
- Zakon o računovodstvu i reviziji u FBiH.

Kriteriji za reviziju usklađenosti su sljedeći:

- Zakon o budžetima u FBiH;
- Zakon o izvršavanju Budžeta FBiH za 2018. godinu;
- Budžet FBiH za 2018. godinu;
- Zakon o trezoru u FBiH;
- Zakon o javnim nabavkama;
- Zakon o federalnim ministarstvima i drugim tijelima federalne uprave;
- Zakon o državnoj službi u FBiH;
- Zakon o namještenicima u organima državne službe u FBiH;
- Zakon o platama i naknadama u organima vlasti FBiH;
- Zakon o porezu na dohodak;
- Zakon o doprinosima;
- Zakon o finansijskom upravljanju i kontroli u javnom sektoru u FBiH;
- Zakon o internoj reviziji u javnom sektoru u FBiH.



### III IZVJEŠTAJ O REVIZIJI

#### 1. UVOD

**Federalni zavod za geologiju** formiran je u skladu sa Zakonom o federalnim ministarstvima i drugim tijelima federalne uprave<sup>1</sup> i počeo je s radom 1. 10. 2005. godine kao sljedbenik Zavoda za geologiju, koji datira od 1898. godine. Zavod vrši istraživačke, stručno-analitičke i druge poslove iz oblasti fundamentalnih i regionalnih geoloških istraživanja od interesa za Federaciju: vođenje katastara ležišta i pojave mineralnih sirovina FBiH, podzemnih pitkih voda FBiH, mineralnih, termalnih i termomineralnih voda FBiH i klizišta FBiH; vođenje baze podataka o istraživanju nafte i plina, vrši kontrolu provođenja ugovora o koncesiji u fazi istraživanja nafte i plina i učestvuje u određivanju blokova za istraživanje i eksploataciju nafte i plina za područje FBiH i druge poslove utvrđene zakonom.

Unutrašnja organizacija i način rada Zavoda utvrđeni su Pravilnikom o unutrašnjoj organizaciji, na koji je Vlada FBiH dala saglasnost 5. 11. 2012. godine.

Pravilnikom o unutrašnjoj organizaciji Zavoda uređen je način rada i rukovođenja, te opis radnih mesta službenika i namještenika. Njime su sistematizovana radna mjesta za 45 izvršilaca, a na dan 31. 12. 2018. godine u Zavodu je bilo 29 zaposlenih. Budžetom za 2018. godinu planirani broj zaposlenih je 30.

Zavodom rukovodi direktor Hazim Hrvatović, koji je imenovan 21. 9. 2006. godine.

Sjedište Zavoda je na Ilidži, u ulici Ustanička, broj 11.

#### 2. PREDMET, CILJ I OBIM REVIZIJE

Predmet revizije su finansijski izvještaji Zavoda za 2018. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj finansijske revizije je da se na osnovu provedene revizije izrazi mišljenje o tome da li su finansijski izvještaji pouzdani i da li bilansi u potpunosti odražavaju rezultate izvršenja budžeta. Revizijom će se procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te će se ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu s internim planskim dokumentima revizije, u periodu od novembra 2018. godine do maja 2019. godine, s prekidima.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

#### 3. PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA

Ured za reviziju institucija u FBiH (u daljem tekstu: Ured) nije vršio finansijsku reviziju u ranijem periodu poslovanja Federalnog zavoda za geologiju.

#### 4. SISTEM INTERNIH KONTROLA

##### ***Sistem internih kontrola***

Radi ostvarenja programskih ciljeva rada, menadžment je odgovoran za uspostavljanje funkcionalnog sistema interne kontrole, koji zavisi od kontrolnog okruženja, procjene rizika, uspostavljenih adekvatnih kontrolnih aktivnosti, informacija i komunikacija unutar Zavoda i prema vani i od praćenja i procjene uspostavljenog sistema.

<sup>1</sup> „Sl. novine FBiH“ br. 58/02, 19/03, 38/05, 02/06, 08/06, 61/06 i 48/11



**Pravilnikom o unutrašnjoj organizaciji i sistematizaciji**, na koji je Vlada FBiH dala saglasnost 5. 11. 2012. godine, utvrđena je unutrašnja organizacija koja obuhvata šest organizacionih jedinica i njihov djelokrug, sistematizaciju radnih mesta, nadležnosti, ovlaštenja i odgovornosti za obavljanje poslova uposlenih, rukovođenje Zavodom i organizacionim jedinicama, ovlaštenja i odgovornosti u rukovođenju, stručni kolegij, saradnju u vršenju poslova, programiranje i planiranje rada, radne odnose i disciplinsku odgovornost, javnost rada, kao i druga pitanja od značaja za unutrašnju organizaciju Zavoda. Navedenim Pravilnikom sistematizovana su radna mjesta za 45 izvršilaca, od čega sedam rukovodećih državnih službenika (direktor i šest pomoćnika), 23 državna službenika i 15 namještenika.

**Pravilnik o internoj kontroli** usvojen je 30. 4. 2019. godine u skladu sa COSO modelom i njime su definisani postupci procjene rizika i izvršena je procjena stepena rizika samo za računovodstvene i finansijske aktivnosti, ali ne i za ostale poslovne aktivnosti Zavoda.

U skladu sa Zakonom o finansijskom upravljanju i kontroli u javnom sektoru u FBiH, Standardima unutrašnje kontrole u javnom sektoru u FBiH i drugim propisima i aktima kojima se reguliše interna kontrola u subjektu revizije, Zavod je imenovao koordinatora za finansijsko upravljanje i kontrolu. Godišnji izvještaj o funkcionisanju sistema finansijskog upravljanja i kontrole je 26. 2. 2019. godine dostavljen Centralnoj harmonizacijskoj jedinici pri Federalnom ministarstvu finansija. U toku 2018. godine Zavod nije izvršio ažuriranje i dopunu internih akata u skladu sa COSO modelom i navedenim propisima, a dio internih akata ažuriran je početkom 2019. godine.

Naši nalazi ukazuju na to da je sistem internih kontrola u pojedinim slučajevima nezadovoljavajući u dijelu knjigovodstvene evidencije bilansnih pozicija u skladu sa Računovodstvenim politikama za federalne budžetske korisnike i Trezor. Također, uvidom u dokumentaciju u vezi s korištenjem službenih vozila utvrdili smo da pojedini putni nalozi ne sadrže sve propisane elemente u skladu s Pravilnikom o obaveznom sadržaju i načinu popunjavanja putnog naloga<sup>2</sup> i internim aktom Zavoda (nije navedena relacija kretanja vozila, već samo početna i krajnja kilometraža, vrijeme putovanja, potpis osobe koja je upravljala vozilom). U pojedinačnim slučajevima prilikom realizacije zaključenih ugovora nisu poštovani ugovoreni rokovi isporuke robe.

**Izjava o fiskalnoj odgovornosti** sačinjena je i dostavljena Federalnom ministarstvu finansija u skladu sa članom 2. i 6. Pravilnika o obliku i sadržaju, načinu popunjavanja i predaje izjave o fiskalnoj odgovornosti.

### Preporuka:

- **uspostaviti sistem internih kontrola u skladu sa Zakonom o finansijskom upravljanju i kontroli i Pravilnikom o provođenju finansijskog upravljanja i kontrole u javnom sektoru u FBiH.**

### Interni audit

Pravilnikom o kriterijima za uspostavljanje jedinica za internu reviziju u javnom sektoru u FBiH<sup>3</sup> predviđeno je da će za Zavod internu reviziju obavljati Jedinica za internu reviziju pri Federalnom ministarstvu finansija. U 2018. godini Jedinica za internu reviziju nije vršila reviziju u Zavodu.

### Prevencija korupcije

U skladu sa Strategijom za borbu protiv korupcije i Akcionim planom za provedbu strategije za borbu protiv korupcije Vlade FBiH, Zavod je sačinio i dostavio Plan integriteta u 2017. godini Agenciji za prevenciju korupcije i koordinaciju borbe protiv korupcije. U 2018. godini nije bilo dalnjih aktivnosti vezano za prevenciju korupcije.

<sup>2</sup> „Sl. novine FBiH“ br. 07/07

<sup>3</sup> „Sl. novine FBiH“ br. 82/13

## 5. OBAVLJANJE POSLOVA IZ NADLEŽNOSTI

Nadležnosti rada Zavoda utvrđene su članom 29. Zakona o federalnim ministarstvima i drugim tijelima federalne uprave i Zakonom o geološkim istraživanjima FBiH.<sup>4</sup> Iz nadležnosti Zavoda proizilaze strateški ciljevi: podrška Vladi FBiH i ministarstvima, naučna i primijenjena istraživanja, podrška industriji i javnosti i međunarodna saradnja. Navedene strateške ciljeve Zavod realizuje kroz izradu jedinstvene baze podataka o svim ležištima i pojavama mineralnih sirovina, vodama i klizištima na području FBiH, analizu stanja svih rezervi mineralnih sirovina u FBiH, davanje prijedloga Vladi FBiH i federalnim ministarstvima o potencijalnim prostorima za istraživanje mineralnih sirovina, izradu geoloških karata FBiH i istraživanje mineralnih sirovina. Na osnovu navedenih nadležnosti Zavod sačinjava godišnji plan rada koji usvaja Vlada FBiH. Plan rada Zavoda za 2018. godinu Vlada FBiH usvojila je zaključkom od 27. 12. 2017. godine i njime su utvrđeni sljedeći programi/projekti i planirana područja (općine i kantoni) za prikupljanje i obradu podataka: vođenje katastara FBiH, izrada geoloških karata FBiH, priprema tehničke dokumentacije i aktivnosti na dodjeli ugovora o koncesiji za istraživanje i eksploataciju nafte i plina, izrada geološke baze podataka, pravni, kadrovski i ekonomsko-finansijski poslovi i međunarodna saradnja.

Aktivnosti **vođenja katastara** odnose se na izradu: Katastra ležišta i pojava mineralnih sirovina FBiH, Katastra podzemnih pitkih voda FBiH i Katastra klizišta FBiH. Način prikupljanja, obrade podataka, te izrade kataстра utvrđen je Pravilnikom o načinu vođenja evidencije i izrade Katastra ležišta mineralnih sirovina, geoloških pojava i odobrenih istražnih prostora.<sup>5</sup> Pravilnikom je definisano da Zavod vrši prikupljanje podataka, na osnovu terenskih obilazaka svih ležišta i pojava mineralnih sirovina na području FBiH, u grafičkoj i pisanoj dokumentaciji, kao i u elektronskom obliku. Također, utvrđena je i obaveza nosioca izrade kataстра o kontinuiranom vođenju i ažuriranju katastara. Zavod je dužan, po zahtjevu ili po završetku izmjena katastara, dostavljati ažurirane verzije Federalnom ministarstvu energije, rudarstva i industrije.

U ranijem periodu završen je **Katastar ležišta uglja FBiH** sa stanjem na 31. 12. 2017. godine i u procesu je izrada novih katastarskih listova ležišta i pojava mineralnih sirovina za FBiH, te je sačinjena Karta ležišta ugljeva FBiH sa pregledom ukupnih rezervi uglja u FBiH.

Za izradu **Katastra podzemnih pitkih voda FBiH**, Zaključkom Vlade FBiH iz novembra 2011. godine, zadužen je Zavod, zajedno sa Federalnim ministarstvom poljoprivrede, vodoprivrede i šumarstva, Federalnom upravom civilne zaštite, Agencijom za vodno područje rijeke Save i Agencijom za vodno područje Jadranskog mora u periodu od četiri godine. Odabir prioriteta za prikupljanje i obradu podataka izvršen je prema regionalnoj zastupljenosti vodnih pojava u oba slivna područja FBiH. Dostavljena je informacija o izradi kataстра podzemnih voda na teritoriji FBiH – voda namijenjenih za piće u periodu 2012–2017. godine, koju je Vlada FBiH usvojila zaključkom od 12. 4. 2018. godine. U Informaciji je navedeno da su za period 2012–2017. godine terenski obrađena i u Katastar unesena 3.322 izvora i bušotine pitke vode na teritoriji FBiH, od čega su u Tuzlanskom, Hercegovačko-neretvanskom i Zapadnohercegovačkom kantonu u potpunosti završeni radovi. Za preostale kantone djelimično su prikupljeni i obrađeni podaci, te izvršeni pripremni radovi na prikupljanju i analizi raspoložive dokumentacije. Zbog nedostatka finansijskih sredstava i ljudskih potencijala za izradu katastara predloženo je produženje roka za njegovu izradu za tri godine, što je Vlada FBiH zaključkom prihvatile i odobrila da se nastave aktivnosti na izradi katastara u periodu 2018–2021. godine.

**Katastar klizišta FBiH** je u fazi izrade, prikupljeni su i obrađeni podaci o klizištima na području općina Travnik, Žepče i Zavidovići. Plan izrade katastara izrađen je s prioritetima od najugroženijih do manje ugroženih dijelova teritorije FBiH, a on će služiti za izradu procjene ugroženosti pojedinih područja od prirodnih nesreća.

Podaci prikupljeni na terenu obrađeni su u **Geološko-informacionom sistemu** (u daljem tekstu: GIS) i **Informacionom sistemu voda** (ISV) i postavljeni na web-stranicama Agencije za vodno područje

<sup>4</sup> „Sl. novine FBiH“ br. 9/10

<sup>5</sup> „Sl. novine FBiH“ br. 38/11



rijeke Save i Agencije za vodno područje Jadranskog mora. Također, dostavljeni su podaci Federalnoj upravi civilne zaštite, nadležnim agencijama za vodna područja i općinama koje su obrađene u printanoj i digitalnoj formi. Zavod je učestvovao u pripremi tehničke dokumentacije i aktivnostima na dodjeli ugovora o koncesiji za istraživanje i eksploataciju nafte i plina za odabir stručnog konsultanta za izbor koncesionara za istraživanje i eksploataciju nafte i plina. Prikupljeni su i analizirani podaci bitni za istraživanje nafte i plina te pohranjeni u GIS i arhivirani u Data room za kontrolisano korištenje. Uspostavljanje geološke baze podataka odvija se kroz ažuriranje postojećih podataka, gdje su se u toku 2018. godine vršile sljedeće aktivnosti: usklađivanje baze podataka s nadležnim agencijama za vodna područja u FBiH, ažuriranje Katastra mineralnih sirovina FBiH, kontinuirana obrada podataka iz oblasti geoloških istraživanja za područje FBiH (geološke karte, istražne bušotine).

U skladu s planom prikupljeni su podaci i dio je obrađen za izradu **geoloških karata FBiH**, koje se odnose na: geološke karte i hidrogeološke karte Tuzlanskog kantona (II faza), hidrogeološku kartu (I faza) i inženjersko-geološku kartu (I faza) Sarajevsko-zeničkog bazena.

## 6. PLANIRANJE, DONOŠENJE BUDŽETA I IZVJEŠTAVANJE

Budžetom FBiH za 2018. godinu Zavodu su odobrena sredstva u iznosu od 1.097.216 KM, što je za 133.442 KM manje u odnosu na budžetski zahtjev. Rješenjem za unutrašnju preraspodjelu od 29. 10. 2018. godine odobreno je umanjenje pozicije nabavke materijala za 3.500 KM, a uvećanje putnih troškova za 2.000 KM i ugovorenih i drugih usluga za 1.500 KM.

Godišnje računovodstvene izvještaje za 2018. godinu Zavod je sačinio i dostavio nadležnim organima. Zavod u okviru Jedinstvenog računa Trezora ima otvorene posebne namjenske transakcijske račune: Remedijacija i korištenje jalovišta i napuštenih rudnika u Varešu – VAMOS, Projekat o geotermalnoj energiji dunavskog regiona – DARLINGe i prikupljanje, analiza i obrada podataka o mineralnim sirovinama u FBiH – EIT/Raw Materials; za navedene podračune sačinjeni su finansijski izvještaji.

Izvještaj o realizaciji Godišnjeg plana i programa rada Zavoda za 2018. godinu dostavljen je Vladu FBiH i Federalnom zavodu za programiranje.

## 7. FINANSIJSKI IZVJEŠTAJI

### 7.1 GODIŠNJI IZVJEŠTAJ O IZVRŠENJU BUDŽETA

#### 7.1.1 Rashodi, izdaci i finansiranje

U Godišnjem izvještaju o izvršenju budžeta za 2018. godinu iskazani su rashodi i izdaci u iznosu od 1.056.334 KM, što u odnosu na operativni budžet od 1.151.577 KM predstavlja ostvarenje od 92%. Strukturu rashoda i izdataka čine: plate, naknade i doprinosi (860.827 KM ili 82%), izdaci za materijal i usluge (171.679 KM ili 16%), nabavka stalnih sredstava (14.590 KM ili 1,3%) i ostali rashodi (9.238 KM ili 0,7%).

Struktura planiranih i ostvarenih rashoda i izdataka iskazana je u finansijskim izvještajima u prilogu.

#### 7.1.1.1 Plate i naknade troškova zaposlenih

**Bruto plate i naknade plata** na 31. 12. 2018. godine iskazane su u iznosu od 687.800 KM, a doprinosi poslodavca u iznosu od 71.825 KM. Obračun plata i naknada u Zavodu vrši se na osnovu Zakona o platama i naknadama u organima vlasti FBiH,<sup>6</sup> podzakonskim aktima i internim aktima Zavoda. Na 31. 12. 2018. godine bilo je 29 zaposlenih; u toku godine nije bilo zapošljavanja.

**Naknade troškova zaposlenih** realizovane su u iznosu od 101.210 KM. One se odnose na: topli obrok (51.125 KM), prevoz na posao i sa posla (26.526 KM), regres za godišnji odmor (12.775 KM),

<sup>6</sup> „Sl. novine FBiH“ br. 45/10, 111/12 i 20/17



odvojeni život (9.000 KM) i pomoć u slučaju smrti (1.776 KM). Isplate naknada vršene su u skladu sa aktima koji regulišu pojedine vrste naknada.

### 7.1.1.2 Izdaci za materijal, sitan inventar i usluge

**Izdaci za materijal, sitan inventar i usluge** iskazani su u iznosu od 171.679 KM, a strukturu izdataka čine: izdaci za energiju (44.059 KM), putni troškovi (43.443 KM), ugovorene usluge (20.682 KM), usluge prevoza i goriva (17.507 KM), izdaci za komunikaciju (16.054 KM), nabavka materijala i sitnog inventara (13.633 KM), izdaci za tekuće održavanje (11.207 KM) i izdaci za osiguranje i bankarske usluge (5.094 KM).

Dio izdataka u iznosu od 36.238 KM odnosi se na troškove koji se finansiraju iz sredstava za realizaciju projekta Geotermalna energija dunavskog regiona – DARLINGe (23.228 KM) i Remedijacija i korištenje jalovišta i napuštenih rudnika u Varešu – VAMOS (13.010 KM). Struktura izdataka odnosi se na: putne troškove (20.046 KM), nabavku materijala (4.500 KM), gorivo (1.713 KM), ugovorene usluge (2.249 KM) i nabavku opreme (6.630 KM).

Provedenom revizijom izdataka za materijal, sitan inventar i usluge nisu konstatovane značajne nepravilnosti.

## 7.2 BILANS STANJA

### 7.2.1 Kratkoročna potraživanja i razgraničenja

**Kratkoročna potraživanja** iskazana su u iznosu 30.223 KM, od čega se 29.644 KM odnosi na potraživanja iz ranijih godina koja su utužena. Komisija za popis dala je prijedlog za otpis navedenih nenaplativih potraživanja. Zavod je, odlukom Vlade FBiH od 25. 4. 2019. godine, dobio odobrenje za otpis nenaplativih potraživanja, po čemu će poduzeti aktivnosti u 2019. godini. Preostala potraživanja u iznosu od 579 KM odnose se na potraživanja za isporučene usluge (komunalne usluge za decembar 2018. godine za Unis-Group, smješten u zgradu Zavoda).

**Kratkoročna razgraničenja** iskazana su u iznosu od 163.460 KM i odnose se na razgraničene obaveze po osnovu sudskih presuda iz radnog odnosa uposlenika i rješenja o njihovom izvršenju (detaljnije opisano u tački 7.2.3 Izvještaja).

### 7.2.2 Stalna sredstva

U finansijskim izvještajima Zavoda na dan 31.12.2018. godine iskazana su stalna sredstva sadašnje vrijednosti od 2.032.882 KM (nabavna vrijednost 3.508.344 KM, otpisana vrijednost 1.475.462 KM). Strukturu stalnih sredstava (sadašnja vrijednost) čine: građevinski objekti (1.942.009 KM), oprema (89.448 KM) i sredstva u obliku prava (1.425 KM).

Najznačajniji dio stalnih sredstava odnosi se na građevinske objekte Zavoda, i to: poslovna zgrada u kojoj je sjedište Zavoda, poslovne prostorije koje je Vlada FBiH dala na korištenje Zavodu za mjeriteljstvo u 2010. godini, garaža koju koristi Zavod i stan za koji je upravni spor u toku. Naime, prema podacima JSP „Sarajevostan“ Sarajevo, vlasnik predmetnog stana je Zavod za geologiju Sarajevo, čija je sadašnja vrijednost, prema evidencijama Zavoda na dan 31. 12. 2018. godine, iznosila 7.683 KM (nabavna vrijednost 26.463 KM i ispravka vrijednosti 18.781 KM). U skladu sa Zakonom o prodaji stanova na kojima postoji stanarsko pravo, Zakonom o stambenim odnosima i Zakonom o upravnom postupku, u ime nosioca stanarskog prava pokrenut je upravni postupak za donošenje rješenja, koje bi zamijenilo ugovor o korištenju stana, koji do okončanja predmetne revizije nije završen.

U toku 2018. godine iskazano je povećanje nabavne vrijednosti ostalih stalnih sredstava za 14.590 KM, koje se odnosi na: rekonstrukciju ulaza u poslovnu zgradu u iznosu od 3.053 KM, nabavku protupožarne opreme i dojavu požara u iznosu od 4.907 KM, kao i nabavku opreme sa podračuna za Projekat „DARLINGe“ za geološka istraživanja u vrijednosti od 6.630 KM.



### 7.2.3 Kratkoročne obaveze i razgraničenja

Kratkoročne obaveze i razgraničenja iskazana su u iznosu od 427.976 KM, od čega su kratkoročne tekuće obaveze 97.312 KM, obaveze prema zaposlenicima 68.653 KM, obaveze po sudskim presudama i rješenjima o izvršenju 163.460 KM i kratkoročno razgraničeni prihodi 98.551 KM.

**Kratkoročne obaveze** odnose se na: obaveze prema dobavljačima (26.500 KM), obaveze po osnovu manje uplaćenih doprinosa (65.813 KM) i ostale obaveze (4.999 KM). Obaveze po osnovu manje uplaćenih doprinosa za zapošljavanje i zdravstveno osiguranje i reosiguranje su obaveze nastale u periodu prije nego je Zavod postao budžetski korisnik, a koje su zastarjele i kao takve ne predstavljaju stvarne obaveze Zavoda. Tokom 2018. godine Zavod je pokrenuo aktivnosti na utvrđivanju stvarnih obaveza i poslao zahtjeve za utvrđivanje stanja obaveza nadležnim institucijama (Porezna uprava FBiH, Zavod za zapošljavanje KS, Federalni zavod za zapošljavanje i Zavod zdravstvenog osiguranja i reosiguranja FBiH). Porezna uprava FBiH izdala je uvjerenje 31.07.2018. godine da Zavod nema neizmirenih obaveza po osnovu prijavljenih doprinosa za penzijsko-invalidsko osiguranje, zdravstveno osiguranje i osiguranje od nezaposlenosti. Ostale institucije su na postavljene upite dostavile odgovor u periodu od decembra 2018. godine do marta 2019. godine, u kojem su uputile Zavod da se obrati Poreznoj upravi FBiH. **Zavod bi trebao, na osnovu raspoložive dokumentacije, poduzeti aktivnosti na isknjižavanju navedenih zastarjelih obaveza iz knjigovodstvenih evidencijskih dokumenata.**

**Obaveze prema zaposlenicima** odnose se na neisplaćene plate i naknade za decembar 2018. godine, koje su izmirene u januaru 2019. godine.

Na kratkoročnim obavezama, po instrukciji Federalnog ministarstva finansija, izvršena je evidencija **obaveza po osnovu sudskih presuda** iz radnih odnosa u iznosu od 163.460 KM, a koje se odnose na manje isplaćene plate i naknade za topli obrok i regres, sa kamatama i troškovima postupka. Iskazivanje obaveza u Glavnoj knjizi Trezora izvršeno je na osnovu uspostavljenih evidencijskih dokumenata u Zavodu o pravosnažnim sudskim presudama, umanjenih za iznos isplaćenih presuda, po pregledima koje dostavlja Federalno ministarstvo finansija. U toku 2018. godine izvršene su isplate po sudskim presudama, sa zateznim kamatama u visini odobrenog budžeta u iznosu od 12.216 KM.

**Kratkoročna razgraničenja** čine razgraničeni prihodi za Projekte po podračunima u iznosu od 88.336 KM (Remedijacija i korištenje jalovišta i napuštenih rudnika u Varešu – VAMOS 14.846 KM, Geotermalna energija dunavskog regiona – DARLINGe 61.682 KM i Prikupljanje, analiza i obrada podataka o mineralnim sirovinama u FBiH – EIT/RAW MATERIALS 11.808 KM).

Na razgraničenjima je također iskazan iznos od 10.215 KM, koji se odnosi na razgraničena sredstva za primljene donacije u 2007. godini, uplaćena u iznosu od 19.689 KM, a koja prilikom utroška sredstava nisu u potpunosti zatvorena u ranijem periodu. **Iskazani iznos je posljedica greške u knjiženju iz ranijeg perioda, čime su razgraničeni prihodi uvećani za taj iznos, a za šta Zavod treba poduzeti aktivnosti u cilju realnog iskazivanja razgraničenja u finansijskim izvještajima.**

**Preporuka:**

- **poduzeti aktivnosti u cilju pravilnog evidentiranja obaveza i razgraničenja Zavoda u skladu sa Zakonom o računovodstvu i reviziji u FBiH i Računovodstvenim politikama za federalne budžetske korisnike i Trezor.**

## 8. JAVNE NABAVKE

Plan javnih nabavki Zavoda za 2018. godinu usvojen je 26.01.2018. godine u iznosu od 151.500 KM,<sup>7</sup> a u njega su uključeni i izdaci za koje se ne provode postupci nabavke u skladu sa Zakonom o javnim nabavkama u iznosu od 77.100 KM (izdaci za grijanje i energiju (50.000 KM), komunalne usluge (19.000 KM) i ostale usluge (8.100 KM)). U okviru Plana javnih nabavki planirani su i postupci nabavke u iznosu od 74.400 KM, od čega se na tekuće izdatke odnosi 61.400 KM (kancelarijski i potrošni

<sup>7</sup> Iznosi javnih nabavki su iskazani sa PDV-om



materijal (15.000 KM), gorivo i registracija vozila (16.000 KM), tekuće održavanje (15.000 KM), osiguranje i bankarske usluge (8.000 KM), ostale usluge (7.400 KM)) i 13.000 KM za nabavku stalnih sredstava (nabavka opreme (5.000 KM) i rekonstrukcija i investiciono održavanje (8.000 KM)). Zavod je 23.07.2018. godine donio i Plan nabavki za Projekat „DARLINGe“ u iznosu od 11.500 KM (nabavka materijala (3.500 KM), goriva (1.000 KM) i nabavka opreme (7.000 KM)) i za Projekat „VAMOS“ u iznosu od 5.000 KM (gorivo (1.000 KM), kancelarijski materijal (1.000 KM) i laboratorijska ispitivanja stijena i minerala (3.000 KM)).

Prema pregledu izvršenih postupaka javnih nabavki u 2018. godini provedene su nabavke ukupne vrijednosti od 57.625 KM, i to: dva postupka putem konkurenckih zahtjeva za dostavu ponuda u ukupnoj vrijednosti od 15.925 KM i 67 direktnih sporazuma u vrijednosti od 41.700 KM.

Izvršen je uvid u dva postupka nabavke putem konkurenckog zahtjeva za dostavu ponuda ukupne vrijednosti od 15.925 KM, i to nabavka goriva 9.353 KM i nabavka opreme za hidrogeološka istraživanja – Projekat „DARLINGe“ u iznosu od 6.630 KM, dok je testiranje nabavki putem direktnog sporazuma izvršeno kroz reviziju izdataka.

Uvidom u dokumentaciju nisu utvrđene nepravilnosti u vezi s provođenjem postupaka javnih nabavki.

### 9. KOMENTARI NA NACRT IZVJEŠTAJA

Zavod je 10. 6. 2019. godine dostavio komentar na Nacrt izvještaja o izvršenoj finansijskoj reviziji za 2018. godinu, u kojem su prihvaćeni nalazi i preporuke revizije.

Rukovodilac Sektora za finansijsku reviziju

Mirsada Janjoš, dipl. oec.

Tim za reviziju:

Azra Džeko, dipl. oec – vođa tima

Vildana Hadžović, dipl. oec – član tima



## IV PRILOG GODIŠNJI FINANSIJSKI IZVJEŠTAJI



<b>Godišnji izvještaj o izvršenju budžeta za 2018. godinu</b>						
<b>Naziv institucije: Federalni zavod za geologiju</b>						
<b>Opis</b>	<b>Planirano</b>	<b>Ostvareno</b>		<b>Odstupanje (3-2)</b>	<b>Procenat (3/2x100)</b>	
		<b>U tekućoj godini</b>	<b>U prethodnoj godini</b>			
1	2	3	4	5	6	
<b>I PRIHODI (od 1 do 16)</b>	<b>0</b>	<b>36.239</b>	<b>4.312</b>	<b>36.239</b>		
<b>PRIHODI OD POREZA (1+2+3+4+5+6+7+8)</b>	<b>0</b>	<b>0</b>	<b>0</b>	<b>0</b>		
<b>1.</b> Porez na dobit pojedinca i preduzeća	<b>0</b>	<b>0</b>	<b>0</b>	<b>0</b>		
Porezi na dobit pojedinaca (zaostale uplate poreza)						
Porezi na dobit preduzeća						
Porez na dobit banaka i drugih finansijskih organizacija i društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća						
<b>2.</b> Doprinosi za socijalnu zaštitu	<b>0</b>	<b>0</b>	<b>0</b>	<b>0</b>		
<b>3.</b> Porezi na platu i radnu snagu	<b>0</b>	<b>0</b>	<b>0</b>	<b>0</b>		
<b>4.</b> Porez na imovinu	<b>0</b>	<b>0</b>	<b>0</b>	<b>0</b>		
<b>5.</b> Domaći porezi na dobra i usluge	<b>0</b>	<b>0</b>	<b>0</b>	<b>0</b>		
<b>6.</b> Porez na dohodak	<b>0</b>	<b>0</b>	<b>0</b>	<b>0</b>		
<b>7.</b> Prihodi od indirektnih poreza	<b>0</b>	<b>0</b>	<b>0</b>	<b>0</b>		
<b>8.</b> Ostali porezi	<b>0</b>	<b>0</b>	<b>0</b>	<b>0</b>		
<b>NEPOREZNI PRIHODI (9+10)</b>	<b>0</b>	<b>36.239</b>	<b>4.312</b>	<b>36.239</b>		
<b>9.</b> Prihodi od poduzetničkih aktivnosti i imovine i prihodi od pozitivnih kursnih razlika	<b>0</b>	<b>0</b>	<b>0</b>	<b>0</b>		
Prihodi od nefinansijskih javnih preduzeća i finansijskih javnih institucija						
Ostali prihodi od imovine						
Kamate i dividende primljene od pozajmica i učešća u kapitalu						
Naknade primljene od pozajmica i učešća u kapitalu						
Prihodi od pozitivnih kursnih razlika						
Prihodi od privatizacije						
Prihodi po osnovu premije i provizije za izdatu garanciju						
<b>10.</b> Naknade, takse i prihodi od pružanja javnih usluga, kazne i drugi prihodi	<b>0</b>	<b>36.239</b>	<b>4.312</b>	<b>36.239</b>		
Administrativne takse						
Sudske takse						
Komunalne naknade i takse						
Ostale budžetske naknade i takse						
Naknade i takse po federalnim zakonima i drugim propisima						
Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)						
Neplanirane uplate – prihodi	<b>0</b>	<b>36.239</b>	<b>4.312</b>	<b>36.239</b>		
Novčane kazne						
Drugi tekući prihodi						
<b>PRIMLJENI TRANSFERI I DONACIJE (od 11 do 16)</b>	<b>0</b>	<b>0</b>	<b>0</b>	<b>0</b>		
<b>11.</b> Primljeni tekući transferi odиноstranih vlada i međunarodnih organizacija						
<b>12.</b> Primljeni tekući transferi od ostalih nivoa vlasti						
<b>13.</b> Primljeni kapitalni transferi odиноstranih vlada						
<b>14.</b> Kapitalni transferi od ostalih nivoa vlasti i fondova						
<b>15.</b> Kapitalni transferi iz nevladinih izvora						
<b>16.</b> Donacije						



	<b>II RASHODI (od 1 do 7)</b>	<b>1.122.717</b>	<b>1.041.744</b>	<b>1.023.999</b>	<b>-66.199</b>	<b>93%</b>
<b>1.</b>	<b>Plate i naknade troškova zaposlenih</b>	<b>839.000</b>	<b>789.001</b>	<b>790.309</b>	<b>-49.999</b>	<b>94%</b>
	Bruto plate i naknade plata	704.000	687.800	681.044	-16.200	98%
	Naknade troškova zaposlenih	135.000	101.201	109.265	-33.799	75%
<b>2.</b>	<b>Doprinosi poslodavca i ostali doprinosi</b>	<b>74.000</b>	<b>71.826</b>	<b>71.509</b>	<b>-2.174</b>	<b>97%</b>
<b>3.</b>	<b>Izdaci za materijal, sitan inventar i usluge</b>	<b>200.479</b>	<b>171.679</b>	<b>145.491</b>	<b>-28.800</b>	<b>86%</b>
	Putni troškovi	48.000	43.443	27.117	-4.557	91%
	Izdaci za energiju	50.000	44.059	44.066	-5.941	88%
	Izdaci za komunikaciju i komunalne usluge	19.000	16.054	16.672	-2.946	84%
	Nabavka materijala i sitnog inventara	16.000	13.633	9.268	-2.367	85%
	Izdaci za usluge prevoza i goriva	18.000	17.507	12.134	-493	97%
	Unajmljivanje imovine, opreme i nematerijalne imovine	0	0	0	0	
	Izdaci za tekuće održavanje	15.000	11.207	12.762	-3.793	75%
	Izdaci osiguranja, bankarskih usluga i usluga platnog prometa	8.300	5.094	4.020	-3.206	61%
	Ugovorene i druge posebne usluge	26.179	20.682	19.452	-5.497	79%
<b>4.</b>	<b>Tekući transferi i drugi tekući rashodi</b>	<b>9.238</b>	<b>9.238</b>	<b>16.690</b>	<b>0</b>	<b>100%</b>
	Tekući transferi drugim nivoima vlasti					
	Tekući transferi pojedincima					
	Tekući transferi neprofitnim organizacijama					
	Subvencije javnim preduzećima					
	Subvencije privatnim preduzećima i poduzetnicima					
	Subvencije finansijskim institucijama					
	Tekući transferi u inostranstvo					
	Drugi tekući rashodi	9.238	9.238	16.690	0	100%
<b>5.</b>	<b>Kapitalni transferi</b>	<b>0</b>	<b>0</b>	<b>0</b>	<b>0</b>	
	Kapitalni transferi drugim nivoima vlasti					
	Kapitalni transferi pojedincima					
	Kapitalni transferi neprofitnim organizacijama					
	Kapitalni transferi javnim preduzećima					
	Kapitalni transferi privatnim pred. i poduzetnicima					
	Kapitalni transferi finansijskim institucijama					
	Kapitalni transferi u inostranstvo					
<b>6.</b>	<b>Izdaci za kamate</b>	<b>0</b>	<b>0</b>	<b>0</b>	<b>0</b>	
	Kamate na pozajmice primljene kroz državu					
	Izdaci za inostrane kamate					
	Kamate na domaće pozajmljivanje					
	Izdaci za kamate vezane za dug po izdanim garancijama					
<b>7.</b>	<b>Tekuća budžetska rezerva</b>					
	<b>TEKUĆI SUFICIT (TEKUĆI DEFICIT) (I-II)</b>	<b>-1.122.717</b>	<b>-1.005.505</b>	<b>-1.019.687</b>	<b>117.212</b>	<b>90%</b>
	<b>III TRANSAKCIJE U STALNIM SREDSTVIMA</b>					
<b>1.</b>	<b>Primici od prodaje stalnih sredstava</b>					
	Primici od prodaje stalnih sredstava					
	Primici od prodaje federalnih robnih rezervi					
	Ostali kapitalni primici					
<b>2.</b>	<b>Izdaci za nabavku stalnih sredstava</b>	<b>28.860</b>	<b>14.590</b>	<b>4.282</b>	<b>-14.270</b>	<b>51%</b>
	Nabavka zemljišta, šuma i višegodišnjih zasada					
	Nabavka građevina					
	Nabavka opreme	20.860	11.537	4.282	-9.323	55%
	Nabavka ostalih stalnih sredstava					
	Nabavka stalnih sredstava u obliku prava					
	Rekonstrukcija i investiciono održavanje	8.000	3.053	0	-4.947	38%
	<b>NETO NABAVKA STALNIH SREDSTAVA (2-1)</b>	<b>28.860</b>	<b>14.590</b>	<b>4.282</b>	<b>-14.270</b>	<b>51%</b>
	<b>A. NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (Tekući suficit/deficit – Neto nabavka stalnih sredstava)</b>	<b>-1.151.577</b>	<b>-1.020.095</b>	<b>-1.023.969</b>	<b>131.482</b>	<b>89%</b>
	<b>IV TRANSAKCIJE U FINANSIJSKOJ IMOVINI</b>					



<b>1.</b>	<b>Primici od finansijske imovine</b>	<b>0</b>	<b>0</b>	<b>0</b>	<b>0</b>
	Primljene otplate od pozajmljivanja drugim nivoima vlasti				
	Primljene otplate od pozajmljivanja pojedincima i neprofitnim organizacijama				
	Primljene otplate od pozajmljivanja javnim preduzećima				
	Primitak sredstava po osnovu učešća u dionicama javnih preduzeća				
	Primitak sredstava po osnovu učešća u dionicama privatnih preduzeća i u zajedničkim ulaganjima				
	Primljene otplate od ostalih vidova domaćeg pozajmljivanja				
	Primljene otplate od pozajmljivanja u inostranstvo				
<b>2.</b>	<b>Izdaci za finansijsku imovinu</b>	<b>0</b>	<b>0</b>	<b>0</b>	<b>0</b>
	Pozajmljivanje drugim nivoima vlasti				
	Pozajmljivanje pojedincima, neprofitnim organizacijama i privatnim preduzećima				
	Pozajmljivanje javnim preduzećima				
	Izdaci za kupovinu dionica javnih preduzeća				
	Izdaci za kupovinu dionica privatnih preduzeća i učešće u zajedničkim ulaganjima				
	Ostala domaća pozajmljivanja				
	Pozajmljivanje u inostranstvo				
	<b>B. NETO POVEĆANJE (SMANJENJE) FINANSIJSKE IMOVINE (1-2)</b>	<b>0</b>	<b>0</b>	<b>0</b>	<b>0</b>
	<b>V TRANSAKCIJE U FINANSIJSKIM OBAVEZAMA</b>				
<b>1.</b>	<b>Primici od zaduživanja</b>	<b>0</b>	<b>0</b>	<b>0</b>	<b>0</b>
	<b>Primici od dugoročnog zaduživanja</b>				
	Zajmovi primljeni kroz državu				
	Primici od inostranog zaduživanja				
	Primici od domaćeg zaduživanja				
	<b>Primici od kratkoročnog zaduživanja</b>				
	Zajmovi primljeni kroz državu				
	Primici od inostranog zaduživanja				
	Primici od domaćeg zaduživanja				
<b>2.</b>	<b>Izdaci za otplate dugova</b>	<b>0</b>	<b>0</b>	<b>0</b>	<b>0</b>
	Otplate dugova primljenih kroz državu				
	Vanjske otplate				
	Otplate domaćeg pozajmljivanja				
	Otplate unutarnjeg duga				
	Otplate duga po izdatim garancijama				
	Otkup duga				
	<b>C. NETO ZADUŽIVANJE (NETO OTPLATE DUGOVA) (1-2)</b>	<b>0</b>	<b>0</b>	<b>0</b>	<b>0</b>
	<b>UKUPAN FINANSIJSKI REZULTAT (A+B+C)</b>	<b>-1.151.577</b>	<b>-1.020.095</b>	<b>-1.023.969</b>	<b>131.482</b>
					<b>89%</b>

Rukovodstvo je Godišnji izvještaj o izvršenju budžeta za 2018. godinu odobrilo 22. 2. 2019. godine.

**Direktor  
Hazim Hrvatović**



<b>Bilans stanja na dan 31. 12. 2018. godine</b>				
<b>Naziv institucije: Federalni zavod za geologiju</b>				
<b>Opis</b>	<b>U obračunskom periodu tekuće godine</b>	<b>U istom obračunskom periodu prethodne godine</b>	<b>Procenat (2/3)x100</b>	
1	2	3	4	
<b>I AKTIVA</b>				
A. Gotovina, kratkoročna potraživanja, razgraničenja i zalihe (1+...+8)	<b>427.976</b>	<b>220.219</b>	<b>194</b>	
1. Novčana sredstva i plemeniti metali	1.111	745	149	
2. Vrijednosni papiri				
3. Kratkoročna potraživanja	34.126	46.216	74	
4. Kratkoročni plasmani				
5. Finansijski i obračunski odnosi s drugim povezanim jedinicama	229.279	173.258	132	
6. Zalihe materijala i robe				
7. Zalihe sitnog inventara				
8. Kratkoročna razgraničenja	163.460	0		
B. Stalna sredstva (11+14+17+18)	<b>2.033.682</b>	<b>2.086.052</b>	<b>97</b>	
9. Stalna sredstva	3.508.344	3.514.605	100	
10. Ispravka vrijednosti stalnih sredstava	1.475.462	1.429.353	103	
11. Neotpisana vrijednost stalnih sredstava (9-10)	2.032.882	2.085.252	97	
12. Dugoročni plasmani				
13. Ispravka vrijednosti dugoročnih plasmana				
14. Neotpisana vrijednost dugoročnih plasmana (12-13)	800	800	100	
15. Vrijednosni papiri				
16. Ispravka vrijednosti vrijednosnih papira				
17. Neotpisana vrijednost vrijednosnih papira (15-16)	0	0		
18. Dugoročna razgraničenja				
<b>UKUPNO AKTIVA (A+B)</b>	<b>2.461.658</b>	<b>2.306.271</b>	<b>107</b>	
<b>II PASIVA</b>				
C. Kratkoročne obaveze i razgraničenja (19+...+24)	<b>427.976</b>	<b>220.219</b>	<b>194</b>	
19. Kratkoročne tekuće obaveze	260.772	100.898	258	
20. Obaveze po osnovu vrijednosnih papira				
21. Kratkoročni krediti i zajmovi				
22. Obaveze prema zaposlenicima	68.653	70.856	97	
23. Finansijski i obračunski odnosi s drugim povezanim jedinicama				
24. Kratkoročna razgraničenja	98.551	48.465	203	
D. Dugoročne obaveze i razgraničenja (25+26+27)	<b>0</b>	<b>0</b>	<b>0</b>	
25. Dugoročni krediti i zajmovi				
26. Ostale dugoročne obaveze				
27. Dugoročna razgraničenja				
E. Izvori stalnih sredstava (28+29+30+31-32)	<b>2.033.682</b>	<b>2.086.052</b>	<b>97</b>	
28. Izvori stalnih sredstava	2.032.882	2.085.252	97	
29. Ostali izvori sredstava	800	800	100	
30. Izvori sredstava rezervi				
31. Neraspoređeni višak prihoda nad rashodima				
32. Neraspoređeni višak rashoda nad prihodima				
<b>UKUPNO PASIVA (C+D+E)</b>	<b>2.461.658</b>	<b>2.306.271</b>	<b>107</b>	

Na poziciji „Finansijski i obračunski odnosi s drugim povezanim jedinicama“, u skladu s propisima za budžetske korisnike koji nemaju transakcijske račune, iskazuje se razlika Aktive i Pasive.

Rukovodstvo je Bilans stanja na dan 31. 12. 2018. godine odobrilo 22. 2. 2019. godine.

**Direktor  
Hazim Hrvatović**